

# L A P U N T



## Infuormaziuns

da la corporaziun evangelica  
Ardez-Ftan-Guarda



## FAVRER, MARZ ED AVRIGL 2022

### Collecta annuala 2022

Caboz Action: Sustegn per paur da cacau a la Côte d'Ivoire



Chi ama tuot tschiculatta? Delizchusa e dutscha, e fa dafatta amo buna glüna. Puchadamaing nun es però la realtà da las personas chi prodüan il cacau per far tschiculatta uschè dutscha sco'l prodot cha bleras e blers han uschè jent. Las famiglias chi prodüan cacau stessan guadagnar trais fin quatter jadas daplü per pudair viver sur il minimum d'existenza. Implü sun lavur

d'uffants e la schmersa da gods tropics oters problems illa chadaina da valer da cacau chi douvran urgiantamaing atenziun.


CABOZ Action es üna società independenta d'util public chi'd es gnüda fundada dal 2012. Il böt da la società es da megldrar las cundiziuns da viver da famiglias chi prodüan cacau in cumüns rurals da la Côte d'Ivoire, il pajais chi furnischa daplü co ün terz da la produenziun mundiala da cacau. Las prioritats da CABOZ Action sun il furnimaint dad aua da baiver, sandà, scolaziun d'uffants e creschüts, egualità da drets ed empowerment da duonnas.

Daplü infuormaziuns as chatta sülla pagina d'internet: [www.cabozaction.org](http://www.cabozaction.org).

Text: Braida Thom, Ardez e Turich, Suprastanta da la società Caboz Action Svizra

## Di mundial d'urazchun – dumengia, 6 marz 2022

Il cult divin ha lö a las 10.00 illa baselgia refuormada da Scuol.



In daplü co 170 pajais sün tuot il muond celebreschan duonnas ed homens il di mundial d'urazchun in mincha lö tras la listessa liturgia.

La liturgia pel di mundial d'urazchun d'ingon es gnüda preparada da duonnas dad Ingalterra, Valisa ed Irlanda dal Nord. Il tema da la liturgia da quist on es ün verset biblic our dal cudesch dal profet Jeremia: «Eu as vögl dar ün avegnir ed üna spranza.» (Jer 29, 11)

In nossa regiun vain celebrà ün cult divin cun la liturgia dal di mundial d'urazchun als 6 marz a las 10.00 illa baselgia refuormada da Scuol.

---

## Il di da schoppa ecumenic cumünaivel

dumengia, 20 marz 2022 a Ftan

Il cult divin cun rav. Marianne Strub e'l ravarenda catolic Christoph Willa cumainza a las 11.10 in baselgia



El sta in connex culla campagna ecumenica annuala da «HEKS / pan per tuots» e «Fastenopfer» cul tema «Güstia pel clima – uossa!». I'l center da la campagna da quist on sta il clima. Ella ans less render attents sülla relaziun tanter güstia e chüra dal clima. Las populaziuns i'l süd dal muond saintan nempè plü ferm las consequenzas dal müdamaint dal clima sco quellas dal

nord chi sun però ils respunsabels principals tras otas emissiuns da Co2.

Davo il cult divin sun tuots invidats ad ün past cumünaivel. Ulteriuras infuormaziuns as chatta a temp ütil sün placats i'ls cumüns e sün nossa pagina d'internet.

---

## Maisas da giantar per tuots dad Ardez e Guarda


Las prosmas maisas da giantar han lö:

mardi, ils **1. favrer** i'l hotel Alvetern

mardi, ils **8 marz** i'l hotel Alvetern

mardi, ils **5 avrigl** i'l hotel Alvetern

Annunzchas fin il **plü tard** il di avant la „maisa“ pro Erna Fontana, tel. 081 862 23 50. Per giasts da Guarda vegn organisà il transport.



## Confirmaziun als 10 avrigl 2022



Dumengia da las Palmas, il di per la festa da confirmaziun, la conferma dal battaisem.

A tuottas confirmandas ed a tuots confirmands givüschaina forza, curaschi e furtüna sün lur via da vita.

Quist on vegnan confirmats:

Fadri Mayer (Ardez)  
Marcel Stecher (Ardez)  
Cyril Tönnett (Ardez)  
Adrian Morell (Guarda)  
Elia Josty (Ftan)  
Jasmin Stuppan (Ftan)

Chiara Bazzell (Ftan)  
Cristina Bazzell (Ftan)  
Loris Beer (Ftan)  
Fabrizio Florineth (Ftan)  
Sandro Nuotclà (Ftan)

**Ils cults divins festivs han lö a las 9.30 ad Ardez ed a las 11.10 a Ftan**

## Bunura da Pasqua, dumengia dals 17 avrigl

La vigilia tradiziunala da Pasqua, chi'ns maina  
**“dal s-chür aint il cler”**

**celebraina ingon ad Ardez.**

Il cult divin in baselgia sco eir suot tschêl avert cumainza la bunura a las 6.00. Davo es tuot cordialmaing invidà a la culazchun da Pasqua in chasa da scoula.



## Occurrenzas da noss progets:

### • Il Sainin

**Venderdi, ils 18 favrer, venderdi, ils 25 marz e venderdi, ils 29 avrigl 2022 adüna tanter las 9.30 e las 11.00 illa sala cumünala ad Ardez.**

Ün cordial invid a tuot ils uffants tanter 0 e 5 ons e lur genituors, nonas o bazegners da gnir a tadar ün'istorgia da la Bibla. Per ulteriuras infuormaziuns: Marianne Strub, 081 862 23 61



### • La Predgina

**La dumengia, ils 13 marz, ils 20 marz, ils 27 marz, ils 3 avrigl cun partecipaziun i'l cult divin ad Ardez a las 11.10 ed ils 10 avrigl 2022.**



L'inscunter es adüna illa **biblioteca d'Ardez da las 10 a las 11.** Infuormaziuns ulteriuras pro las manadras:

Annina Mengiardi (081 862 24 50) e Cilgia Koller (079 266 90 37)



## Radunanza generala

da la corporaziun evangelica Ardez-Ftan-Guarda

**mardi, 26 avrigl 2022 a las 20.00**

illa baselgia a Ftan. La bannida cullas tractandas segua a temp ütil.

## Cinema baselgia

**Film «Asterix» dumengia, 13 favrer 2022 a las 17.00**


illa baselgia da Guarda

Il druid Miraculix decida da pisserar per l'avegnir dal cumün. Cun Asterix ed Obelix as metta'l in viadi tras tuot Gallia per tscherchar ün giuven druid cun talent per tradir il secret da la bavronda miraculosa.

*Dürada: 1 h e 26 min. - Deutsch - Entrada libra/collecta – Liber a partir da 6 ons*



**Film «Sami, Joe und ich», mardi, 15 favrer 2022 a las 20.00**



illa baselgia da Ftan

Samira, Joselyn e Leyla sun prontas per la stà, davo chi han fini la scoula e prontas da cumanzar lur aigna vita. Ma quai chi tillas spetta es tuot oter da lur spranzas. Ün'istorgia da solidarità adonta da tuot.

*Dürada: 94 min. - Deutsch - Entrada libra/collecta - Liber a partir da 14 ons*

## Casualias in noss cumüns

### Battaisems:

Jacob Ricardo Nöthiger, 20.11.2021, Guarda

Paulo Antonio Nöthiger, 20.11.2021, Guarda

### Nozzas:

Pascal e Desirée Weber-Feurer, 6.11.2021, Guarda

### Mortoris:

Johann Bollhalder, 14.08.2021, Ftan

Hans Cantieni-Brunold, 16.10.2021, Ftan

Anna Bickel-Strimer, 1.01.2022, Ardez



## Adressas:

### Pravenda

Dna. rav. Marianne Strub,

Chasa da pravenda, 7546 Ardez

tel.: 081 862 23 61, e-mail: marianne.strub@gr-ref.ch

### Secretariat

tel: 081 860 34 10

[secretariat.pravenda@bluewin.ch](mailto:secretariat.pravenda@bluewin.ch)

[www.ardez-reformiert.ch](http://www.ardez-reformiert.ch)

